

Q. D. B. V.

DE

**VIDVA VASALLI**  
**AB VSVFRVCTVARIA CAV-**  
**TIONE INTVITV DOTALITII**  
**IMMVNI**

*PRAESIDE*

**GEORGIO FRIDERICO DEINLINO**  
**IVR. ET PHILOS. D. AC PROF. PVBL. ORD.**

AD DIEM V. APRIL. A. O. R. MDCCXXXV.

*DISPVTABIT*


**FRIDERICVS ERNESTVS SCHREIBERVS**  
**NORIMB.**

---

*ALTDORFII*

**LITERIS MEYERIANIS.**





DE VIDVA VASALLI  
A CAVTIONE VSVFRVCTVARIA  
INTVITV DOTALITII  
IMMVNI.

## I.



Ermanorum probitati, integritati atque virtuti merito tribuendum est, quod nunquam non solliciti fuerint, ut viduis suis, praesertim illustribus et nobilibus, recte prospiceretur. Praeter lucra enim ac emolumenta nuptialia, non jure semper haereditario, sed speciali maxime legis

*De origine  
indole ac  
jure dotali-  
tū, Geron-  
ialis.*

provisione capienda, praeter Geradam, praeter Morgengabam, Cibaria etc. alios quoque fructus annuosque redditus e bonis maritorum, singulari licet qualitate affectis, ita assignantur, ut ex iis, soluto, per mortem inprimis maritorum, matrimonio, victum & alimenta eo melius consequi, honoremque pristini conjugii feliciter tueri possint superstitēs viduae. Ad id genus maxime pertinet *Dotalitium*; cuius si non et ipsum nomen, certe ipsam qualitatem fura Romano-Iustiniana penitus ignorarunt; Nec ad rem quidquam facit, quod in indice librorum veterum JCorum, Pandectis praefixo, mentio fiat *Dotalitiorum* Libri singularis; quemadmodum enim nulla omnino lex, ex aliquo libro Gaji sic inscripto, in Pandectis relata apparet; ita etiam multi Viri Eruditi suspicati sunt, vel depravatum esse verbum istud, vel librum ipsum non differre a libro Gaji de Re Uxoriarum, cujus mentio fit in *Constit. Omnium* §. 1. vid. HVB. GHANIVS ad *Tit. C. de Dot. Caut.* BERTRAND. RVIL. et GVIL. GROT. in *vit. Gaji*. ABR. WIELING. in *Juraprud. Restit. Part. Prior. p. 77. not. (q)*

Nominatur tamen in aliquibus Juris Canonici locis Dotalicium, v. g. in *cap. 15. §. de for. compet. et cap. 4. §. de Donat. int. Vir. et Uxor.* Quicquid autem horum sit, id extradubium positum est, originem Dotalicium suam debere antiquis institutis Germaniae, vigore quorum maritus olim, teste TACITO *de Mor. Germ.* dotem constituebat uxori, h. e. ipsi aliquid assignabat, unde post mortem mariti se sustentare possit; inde in antiquis Legibus Germanorum passim ejus fit mentio, simulque apparet genuinam doctrinam nostram de Dotalicio; ejusque origine; indole ac jure; hauriendam esse, non ex Corpore Juris Romano-Justinianei, sed potius ex Consuetudinibus Germanicis, Moribusque Feudalibus. Optaremus certe, ut de hac re, in limine hujus dissertationis, speciali themati destinata, paulo amplior et generalior disquisitio permitteretur; Sed angustiores praestituti cancelli digressionem prohibent. Remittimus, qui ejusmodi studiis atque pervestigandis antiquis Germ. jurium originibus laudabiliter delectantur, ad Scripta inprimis SCHILTERI, *Comment. in Cod. Jur. Feud. Alem. cap. 64. et Exercit. ad Pand. XVII. §. r.* --- 14: add. G. BEYER Delineat. *Jur. Germ. Lib. II. cap. 10. §. 25. sq. et cap. 18. per tot. et in Pand. Tit. de Jur. Dot. ubi provocat ad Formularia Aetorum veterum* a BALVZIO Capitul. RR. Francorum adjecta T. II. HERTH *Opusc. Vol. II. P. I. Not. vet. Germ. Pop. cap. 3. §. 2. Vol. II. in Param. Lib. I. par. 43; L. II. par. 21, 22.* HENELINS *de Jure Dotalitii cap. I. §. 6.* item Glossaria, et Lexica WEHN. BISOLD; etc. In his ipsis locis uberius explicantur vocabula: *Leib, Gedinge, zu Leibe leihen, Litholaip, Leib, Guth, Leib-Zucht, Witum, Wids, Dumbfig, Vitalitium, Victilitium; Victalitium: Maximopere vero id notari meretur, in antiquis Juribus Germanicis vocem Leib-Geding non de Dotalicio mulieris solo, sed de omni fere Usufructu-juris Germanici usurpatam fuisse; quod utique colligi potest ex cap. 48. seqq. Jus. Fr. Alem. Interim tamen*

THOMASIVS in Not. ad Inst. de Usufr. pag. 157. unicam speciem Ususfructus Germanici, scil. tutorium ususfructum, non sine ratione excipit. De caetero hodie in sensu eminentiori sub voce Leib. Gebing semper intelligimus Dotalitium Viduae Vasalli constitutum, de quo et nobis in brevi hac opella sermo est.

## II.

Describimus igitur *Dotalitium* quod sit *Ususfructus* Quid sit Dotalitium. *peculiaris, moribus Germania introductus, viduae Vasalli, in feudo, aut etiam interdum in certo redditu ex feudo et in alodio, regulariter in compensationem dotis illatae ac in utilitatem feudi versae, pro modo usurarum legitimarum, ad quantitatem dotis vel duplicatam vel quadruplatam computandarum, legitime competens.* Ad declarandam hanc descriptionem, pro scopo nostro sequentia sufficere poterunt. Diximus, Dotalitium esse *Ususfructum*, adeoque generalia illa, quae in facultate utendi fruendi Re, ad nos certo modo tantum spectante, occurrunt, Dotalitio quoque recte applicantur, v. g. Quod res usufructuaria non debeat destrui sed conservari; Quod, qui commodum sentit, & incommoda, onera, tributa, &c. ferre debeat; Quod perpetua non possit esse haec facultas, sed debeat finiri regulariter morte fruents; et hujus generis alia. Verum diximus, esse etiam *peculiarem* hunc ususfructum, id est a rationibus non solum Romani sed etiam alius cujuscunque fere ususfructus Germanici, distinctum; et hoc ipsum est, quod in sequentibus pleniorē illustrationem merebitur §. III. *Moribus Germaniae Dotalitium introductum esse, vix ulteriore indiget probatione; nam Romano-Justiniano juri nihil hictribuendum est, et aliae leges haec non suppetunt, sive Civiles, sive Feudales, de Constit. Frid. II. Imp: vid. SCHILT. Inst. Jur. Feud. c. 7. §. 8.* adeoque Dotalitium, prout suis terminis constare certis illud videmus, non nisi moribus introductum, usu deinde

Moribus Germaniae introductum est Dotalitium.

Dotalitium  
in Compensa-  
tionem  
dote con-  
stituitur.

longævo et per variorum locorum Statuta comprobatum dici poterit. vid. STRYK. *Ex. Jur. Feud. cap. 21. qu. 8. et in Tr. de S. A. I. Diff. 4. cap. 2. §. 8. in fin.* ubi inde concludit, quod decisiones controversiarum specialium de Dotalitio ex cuiusvis loci consuetudine potissimum dependant. conf. ITER *de feudis imperii cap. 18. §. II. Viduae Vasalli* competere illud Dotalitium diximus; Et si enim, aliquem usufructum ad Dotalitii modum compositum, a quibuscunque aliis maritis, nonnunquam uxoribus constitui posse, non negemus; attamen is propterea, tanquam per modum conventionis vel ultimæ voluntatis constitutus, non erit confundendus cum legali usufructuaria facultate in Dotalitio; quippe quod regulariter omnino constituendum est Viduis Vasallorum, maxime illis tribus et nobilibus. *In feudo vel interdum in certo redditu ex feudo et in allodio* constitui Dotalitium diximus; i. e. non modo in illis bonis quæ in Allode teneantur, sæminis, inprimis illustribus, dotalitium constituitur; verum etiam communiter, utcumque forte maritus illustris allodialibus bonis destitutus sit, vel certum feudum traditur, et usufructus ejus Viduis conceditur, vel redditus annui ex feudo ipsis assignantur, ITER. *de Feud. Imp. c. 1.* Nam ad onera feudi Dotalitium pertinet, et in hoc Dotalitium a donatione propter nuptias, in feudo simpliciter non constituendo, differre, communi tere omnium DD. consensu asseritur, STRYK. *Synt. Jur. feud. cap. 13. aph. 6. n. 3. et cap. 14. aph. 9. n. 1. BAYER. c. 1. cap. 18. §. 4. 6. 14. sqq. add. omnino B. HILDEBRANDI diff. de Excuss. Allod. ante feud. cap. 3. §. 4. Regulariter in Compensationem dote illatae et in utilitatem feudi versae*, pro futura viduarum sustentatione, Dotalitium constitui; indeque separandam rursus esse ab illo donationem propter nuptias, utpote quæ nunquam dotem absorbet, sed cum dote præstatur, pro parte in pactis dotalibus conventa, STRYK. *Ex. J. F. c. 21. qu. 14 f. BAYER. c. 1. §. 56.* conf. STRYK. *Us. mod. Tit. de Jur. Dot. §. 19.* item: fieri istam constitutionem *pro modo usurarum legitima-*

rum, ad quantitatem dotis vel duplicatam vel quadruplicatam computandarum, vix indiget vel probatione vel illustratione; Satis nota fuisse haec: Quod in Saxonia et in diversis aliis provinciis per Dotalitium dos absorbeatur, nisi per pactum aliter prospectum; HARTM. PISTOR. <sup>Per Dotalitium communiter Dos absorbeatur,</sup> L. I. qn. 4. n. 20. CARPZOV. P. 2. c. 42. d. 3. Quod liberum sit uxori, an, neglecto Dotalitio, dotem repetere velit; Quod tamen illo electo, ipsamplius variare non liceat, CARPZ. c. l. d. 2. STRVV. c. l. aph. 15. STRYCK. de S. A. I. c. l. et 17. Quod interdum duplicatas, interdum quadruplicatas usuras legitimas contineat Dotalitium, prout computandi rationem inquit MELCH. KLING. in Conf. post Conf. Sim. Pistor. 20. n. 2. quem secuti STRYCK. c. l. §. 15. STRVV. c. l. aph. 11. Quod, in casu quadruplicatarum usurarum solutarum, dos simpliciter absorbeatur, HENELIUS de Jure Dotal. cap. 10. §. 26. MYL. AB EHRENB. Gamol. cap. 14. §. 3. Quod vidua Dotalitium petens, illationem dotis probare quidem teneatur, et quidem plenius, si cum agnatis ipsi res sit; sed, quod, illatione probata, versio in feudum praesumatur, LUDOVICI Diff. de Prob. illat. Dot. et Dotr. Pandect. Tit. de Jur. Dot. §. 13. STRVV. c. l. aphor. 10. Quod Dotalitium regulariter non extinguatur, licet vidua ad secunda vota transierit. STRYCK. c. l. §. 18. & in Caut. Contr. Sect. 3. c. 8. §. 35. Haec et similia, quia ad nostrum propositum directè non pertinent, sine ulteriori explicatione dimittimus. Denique in descriptione Dotalitii dictum est, *Legitime illud competere viduae*; scilicet non aliter ac omnes reliquae species usufructus Germanici, Lege competunt, circa omne pactum vel testamentum. Quemadmodum enim, ex notoria Germaniae observantia, Dotalitium, non ad onera vassalli praecisse, sed potius ad onera feudi ipsius pertinet, COTHMANN. vol. 3. Resp. 14. n. 43. KLOCK. Tom. 3. Conf. 155. n. 181. conf. LITFER. de feud. Imp. cap. 16. §. 11. et B. HILDEBR. c. l. ita extra omnem fere controversiam positum est, quod illud constituendum sit viduae, tantumquam

Dotalitium  
lege debetur  
et est  
usufructus  
Legalis.

quam *Lege debitum*, ab omnibus feudi successoribus, domino, agnatis, simultanee investitis, etc. etiamsi maritus illud non constituerit, *HARIM. PIST. cit. q. 4. n. 2. 3. 35. CARPZOV. c. l. def. 5. STRVV. c. l. aph. 9.* sicut et e contrario constitutio Dotalitii non immodici a matito facta, a Domno et Successoribus, licet eorum consensus adhibitus non fuerit, (utut illum adhibere tutius sit) necessario agnoscenda est. Quod inter ipsos Germaniae Principes, Comites et Illustres personas, in Regalibus Imperii feudis succedentes, obtinere fateetur citatus *ITTERVS*, qui haec addit: „Sane, sicut „illo casu, quo dos marito revera exoluta fuit, hoc intuitu „et in hujus redhostimentum feudalis oneris jure dotalitium „censetur, ipsique feudo incumbit, sive agnati consenserint, „nec ne, aut etiam a vivo marito promissum illud, aut nulla „plane illius mentio facta fuerit; ita nulla etiam probabili „ratione reale illud feudi onus, quicumque demum fuerint „feudi successores, declinare et subterfugere poterunt, nisi „specialibus locorum consuetudinibus, pactis etiam aut statutis familiae (quorum in his talibus primam semper rationem habendam esse duxerim) aliud inductum esse doceri queat; et ita nobiscum sentit (utut non pauci in diversum tendere videantur, conf. in terminis *WESENB. conf. 333. n. 53. n. 4. et n. 23.*) *MYLER. AB ERRENB. cap. 12. Gamol. §. 3. segq.*

### III.

Illud nunc specialius enucleandum, quid *peculiare* sit in hac specie *Vsufuctus Germanici*; quidve a rationibus, non solum Romani, sed etiam alius cuiuscunque fere *usufructus Germanici*, distinctum in Dotalitio. Romana jura *usufructum* suum inter meras *servitutes* referunt, eumque tantum agnoscunt ab omni proprietate adeo accurate separatam, ut ne minima quidem domini particula relicta fuerit illi, in hac vero omnes domini proprie sic dicti effectus, inprimis quoad

Peculiarem  
Speciem  
Usufuctus  
Germanici  
Dotalitii



quoad facultatem rem tanquam suam vindicandi, non obstant illa separatione, deprehendantur; de qua re notari merentur L. 25. pr. D. de V. S. L. 43. f. D. de furt. L. 1. D. de Cond. furt. L. 12. §. 5. D. de Usufr. conf. Dissert. nostra de Servit. in Servit. thes. 2. ubi cum citatis textibus conciliavimus L. 4. D. de Usufr. L. 22. pr. D. de aqu. et aqu. plur. L. 8. pr. D. de Reb. aut. jud. add. Noodt in Tr. de Usufr. L. 1. c. 2. et 3. Quod Vsumfructum Germanicum attinet, sive Ecclesiasticum, sive feudalem, sive uxorium, siue tutorium etc. spectes, sane is omnis non solum semper *legi suam debet originem*, cum illam e contrario Romanus potissimum testamentis conventionibusque debeat, sed etiam semper (si forsitan unicum excipias usumfructum mariti in paraphernalibus, de quo paulo inferiorius dicitur) *admixtam habet particulam aliquam dominii utilis*, modo maiorem, modo minorem; prout scilicet natura hujus vel illius ususfructus mox plures, mox pauciores dominii effectus sibi per consuetudinem comparavit, et hodie vindicat. Tales effectus plures sunt v. g. in Vsumfructu feudali; pauciores in uxorio ratione Dotalitii: id vel exinde apparet, quod in feudali fundo inventus thesaurus, cum aliis emolumentis extraordinariis, spectet ad Vassallum, arg. 2. Feud. 23. STRVV. S. J. F. cap. 12. apb. 5. at in fundo dotalitii inventum thesaurum, non ad viduam, sed ad successorem feudalem spectare, saltem quoad proprietatem, communis est sententia; qua in re, non utilis dominii naturam imitatur Dotalitium, sed vel civilis dominii, quale est mariti in fundo dotali, L. 7. §. 12. D. sol. matrim. vel simplicis ususfructus Romani, conf. HENEL. de Iur. Dotal. cap. 8. §. 7. Nolumus hanc prolixi esse in instituendis comparationibus diversarum specierum ususfructus Germanici inter se, et in determinandis proportionibus illarum particularum dominii utilis, quibus una species alteram vincit. Sufficiet generatim monstrasse, Vsumfructum quemque Germanicum, non esse nudam

In omni usufructu Germanico particularis est Dominii utilis.

B aliquam

aliquam servitutem personalem, et Romanam, sed *admixta gaudere una alterave particula domini Utilis*, quam jus consuetudinarium diversimode tribuit diversis personis usufructuariis. Quapropter Kem ipsam quidem distincte explicasse, sed terminos saltem non satis accurate constituisse videntur ii, qui omnem Vsumfructum Germanicarum gentium *cum Dominio utili PLANE convenire* perhibent, quod fecerunt SCHILTERVS cit. Exerc. ad Pand. XV<sup>II</sup>. THOMASIUS in Not. ad cit. Tit. Inst. de Usufruct. G. BEYER: in Delin. Iur. Germ. L. II. cap. 10. Rectius dicitur, particulas tantummodo domini utilis transire ad simplicem utendi fruendi facultatem, remanentibus non raro aliis particulis ejusdem domini utilis apud dominum directum, mox pluribus, mox paucioribus, prout diversae species usufructus Germanici id exigunt. Quod si nunc ad speciem nostram peculiariis usufructus Germanici, i. e. Dotalitium, oculos nostros convertimus, difficile non erit deprehendere illas ipsas particulas domini utilis admodum conspicuas, potiores, et a Praxi et Doctoribus agnitas; quarum virtute ejus indoles plane diversa est, sicuti ab aliis ceteroquin affinis speciebus Vsumfructus Germanici, ita quam maxime ab indole Vsumfructus Romani, a tota proprietate (cujus semper particula aliqua haeret in dominio utili). accurate separati.

#### IV.

Particula  
Domini  
Utilis in  
Dotalitio  
admodum  
conspicua.

Inter has particulas, quas brevitatís studio, non quidem explicare, sed tantum indicare licet, merito refertur I.) Facultas viduae Vasalli concessa, occupandi propria auctoritate Dotalitium rite a marito in feudo quodam constitutum; Ita v. g. habet Const. Elect. P. 3. c. 33. Daß auch die Witwe *alsobald* (qui terminus tamen dilationem in trigessimum accepit) nach Absterben ihres Mannes, die Stücke zur Gerade und Morgengabe, *zusamt ihrem Leibgedinge* selbst einzunehmen gehörig, befugt. CARPZ.

ad cit. const. def. 1. & L. 4. resp. 20. SCHVIZ. de feud. cap. 8. n. 248. STRVV. S. J. F. cap. 14. aph. 14. HENEL. saepe cit. Tr. cap. 7. §. 20. et haec facultas sine dubio deducenda est ex illo jure, quod, vivo adhuc marito, uxori jam competit in Dotalitio rite constituto. Ita v. g. Uxor Nobilis in dotalitio habere dicitur privilegium, ut praefatur creditoribus mariti, ipso adhuc vivo, etc. conf. HENEL. c. i. §. 13. et 18. STRYK. Us. mod. Vit. de Jur. Dot. §. 23. seq. MEV. P. 7. Dec. 173. II. Facultas mutandi faciem fundi in dotalitium constituti; modo res non fiat deterior, quod nec Vassallo in fundo feudali permittitur, II. feud. 28. §. si vassallus. Ergo aedificia fundo imponere; lacum magnum in terram arabilem, quod Gintichen vocatur, pro augendis annuis redditibus, convertere; Servitutes acquirere, et per eas fundum meliorem reddere poterit vidua, imprimis illustis, arg. II. feud. 8. quae omnia in simplici usufructu Romano non sunt permessa, vid. L. 7. in fin. L. 8. L. 44. L. 13. §. 7. D. de Usufr. nec obstat L. 13. §. 4. Eod. add. L. 15. §. fin. Eod. L. 2. §. 2. D. Si Serv. vind. conf. NIC. EVERH. Consil. 217. n. 17. MYL. AB EHRENB. Gamol. cap. 11. §. 8. G. BEYER. Del. Jur. German. L. II. cap. 10. §. 23. III.) Facultas allegandi propter fundum Dotalitii suam possessionem rei immobilis et quidem jure domini, cum eo effectu, ut satisfacere non cogatur vidua, arg. L. 15. D. qui satid. cog. quae facultas neutiquam competeret, si simplex esset usufructuaria in sensu Jnris Romani, cit. L. 15. §. 1. in fin. Nimirum, immobilium possessores satisfacere non compelli, certum est. Si itaque jure domini possidere sufficit, siue illud sit solitarium, siue parziale; siue plenum, siue minus plenum; siue directum, siue utile; siue civile, siue naturale; siue revocabile, siue perpetuum; siue lis de eo mota sit, siue non, modo sit dominium; si porro immobilibus accensentur vel ipsi annui redditus, qui ex certa re immobili praestantur etc. CARPZOV.

*Tit. 9. art. 5. n. 107. GAILL. L. 11. obs. 19. n. 5. STRYCK. In-*  
*trod. ad prax. cap. 11. §. 4. LVDOVICI Doctr. Pand. Tit. Qui*  
*fatud. cog. §. 5. & 6.* cur quaeso non vidua etiam liberaretur  
 a satisfactione propter possessionem fundi in dotalitium  
 constituti? Consentit nobiscum CARPZOVIVS *P. 1. c. 5. def. 6.*  
*et 7.* ad minimum quoad praxin terrarum Saxonicarum;  
 quem tamen, quia lubrico isto argumento, ab Usufructu Ro-  
 mano petito, in hac decisione usus fuerat, refutare conatus  
 est STRYCKIVS, chorda qui semper oberrat eadem, et Usum-  
 fructum Germanicum fere ubique confundit cum Romano;  
 conf. *Usmod. Tit. Qui fatud. cog. §. 10. IV.* Denique Facultas  
 rem utiliter vindicandi a quocunque. Proprietatis praecipua pars  
 dominii est; pars proprietatis in dominio utili; particula utilis  
 dominii in Usufructu Germanico; Usufructus Germanici species  
 in Dotalitio comprehenditur; Ubi utilis dominii particula est,  
 ibi utilis rei vindicatio competit, STRYCK. *de investig. act.*  
*S. II. m. 1. §. 4. et 13. arg. II. Feud. 2. §. Rei.* nec quicquam  
 heic mutat natura temporarii dominii, LVDOVICI Doctr.  
*Pand. Tit. de R. V. §. 2.* Cur igitur ea deneganda esset vi-  
 duae ratione Dotalitii? Res salva est. Consentiant nobis-  
 cum HENELIVS *citi. Tr. cap. 12. §. 3. RAVCHBAR. P. 1. q. 30.*  
*n. 21. G. BEYER. c. l. §. 19.* quem ultimum tamen sequi no-  
 lumus, quando §. 24. inter particulas dominii utilis, Dota-  
 litio inhaerentis, refert facultatem laudemia percipiendi;  
 Verum equidem est, laudemia, durante Dotalitio, ex fun-  
 dis, a praedio concessio dependentibus, deberi, non haeredi-  
 bus Vassalli, sed viduae, vid. HENEL. *d. Tr. cap. 31. §. 2.* qui  
 sententiam rationibus et praepjudiciis firmavit; at per hoc  
 viduae nihil singulare tribuitur tanquam utili dominae sive  
 usufructuariae sensu Germanici juris, cum is, qui nudum  
 Usumfructum habet sensu juris Romani, eadem facultate pol-  
 leat percipiendi laudemia, Jicet jus investiendi spectet ad  
 proprietarium; quod haud obscure ipse fatetur HENELIVS,  
 conf.

conf. ANT. FABER *Cod. L. 4. Tit. 43. def. 46.* MOLLER. *L. 4. Semestr. cap. 5. n. 5.* GVID. PAP. *dec. 477. n. 2.* FRANZK. *de Laudem. cap. 2. n. 8. et cap. 7. n. 63. seqq.*

V.

Nondum extra oleas vagati sumus; prout forsitan non nullis videri posset. Omnia enim, quaecunque hactenus adducta sunt a nobis, egregie promptissimeque inserviunt Decisioni accuratiori illius satis celebris et inter Feudalis pariter ac Civilis Juris Interpretes agitatae Controversiae: An Vidua Vasalli intuitu Dotalitii; Cautionem Usufructuariam praestare teneatur? Breviter praemonemus, per Cautionem Usufructuariam nos eam intelligere securitatem, quam, secundum Juris Romani dispositionem, necessario et regulariter omnes ii, quibus servitus aliqua personalis, vel Testamento vel Conventione obligit, idonee praestare tenentur, omnibus illis, quorum interest. Atque haec Cautio regulariter maximeque in Vero Usufructu duobus constabat capitibus; I. Usurum se boni viri arbitratu: II. Cum Usufructus ad eum pertinere desinet, restitutum, quod inde exstabit, Tot. Tit. D. Usufr. quemadm. cav. Ad institutum nostrum haec sola sufficiunt: nec opus est immorari thesibus Jur. Rom. de Remissionibus Cautionis hujus; de differentiis Cautionum in Vero, et Quasi Usufructu; de actione ex stipulatu haec competente &c. Convertimus nos potius ad Decisionem Quaestionis istius primariae. Hanc autem quaestionem nos, cum RAVCHBARO Quaest. Insign. P. I. qu. 30. HENELIO de Jure Dotalitii cap. 9. §. 4. SCHILTERO, Exerc. ad Pand. XVII. th. 21. §. 4. Instit. Jur. Feud. cap. 6. §. 17. junct. Comm. ad Jus Feud. Alemm. cap. 64. THOMASIO in not. ad Pand. Tit. de Usufr. p. 116. G. BEYERO, Del. Jur. Germ. L. II. cap. 10. §. 20. et aliis ab his citatis omnino jure NEGANDAM, et potius Viduam Vasalli, intuitu Dotalitii, ab usufructuariae cautionis praestatione immunem

Ex antecedentibus deciditur Quaesitio: An Vidua Cautionem praestare debeat

Quid sit Cautio Usufructuaria

Vidua vasalli immunis est a Cautione Usufructuaria intuitu pro-Dotalitii

Ratio Pri-  
ma: Quia  
Dotalitium  
Ufusfructus  
Legalis est.

pronunciandam esse, censemus. Rationes decidendi plena manu suppeditantur ex eis, quae supra deduximus. Primam desumimus ex §. II. in fin. et pr. §. III. ubi probatum ivimus, Dotalitium *Lege* constitui, sive ad genus *Legalis Ususfructus* pertinere, non aliter ac omnes reliquae species *Ufusfructus* Germanici, THOMAS. in not. ad Inst. Tit. de *Uusufr. p. 157.* Non in controversiam vocabitur heic vocabulum *legis*: cum enim *moribus* originem suam debeat Dotalitium, mores autem *Legis* non scriptae vim sibi vindicent *L. 32. D. de LL.* frustra disputabitur, an Dotalitium jure dici possit *Ususfructus Legalis*. At nunc nihil certius, nihil et *legum* dispositioni, et ipsi aequitati, imo et omni observantiae prudentumque auctoritati convenientius esse potest, quam *usufructuarium*, cui non hominis voluntas, sive in ultima voluntate, sive in conventionibus declarata, sed *leges* ipsae fructuendi facultatem tribuerunt, a Cauticnis praestatione liberari.

## VI.

Nullo jure  
in Legali  
Ufusfructu  
exigitur  
Cautio usu-  
fructuaria.

Non Ro-  
mano.

Nec in ipsis *Juris Romano-Justiniani* placitis quicquam invenire licet, quod hanc thesin saltem dubiam reddere possit. Quemadmodum enim prima et vera origo *usufructus* ibi recte adscribitur testamentis, quod plerique et Tituli et Textus, de *Uusufructu* inscripti et agentes, abunde testantur, conf. omnino THOMAS. in Not. ad Pand. Tit. de *Uusufr. p. 113.* ita etiam ea, quae de *Usufructuaria* cautione ejusdemque necessitate ibidem disponuntur, primario respiciunt modum constituendi *usufructum testamentarium* per legata, fideicommissa etc. Ita tamen, ut nec in omni testamentario *Uusufructu* semper cautio desiderata fuerit, si, super suam eam esse, rationes sufficientes occurrerent: Ita *Fiscus* non cavebat, *L. 1. §. 18. D. ut legator.* qui nunquam praesumitur pauper, *L. 2. §. 1. D. de fundo dotali.* nec is *Usufructuarius*, cui *proprietas* sub certo die legata, cum runc

alre-

alterius non interfit, *L. 9. §. 2. D. Usufr. qu. cau. etc.*  
 Hanc equidem cautionis praestandae necessitatem, Prudentum imprimis accedente interpretatione, ad conventionalem quoque usumfructum extensam postea fuisse, colligitur ex *L. 1. §. 2. D. Usufr. qu. cau.* „ Illud sciendum est, inquit „ Ulpianus, ad fideicommissa etiam aptari eam (Cautionem) „ debere. Plane et si ex mortis causa donatione Ususfructus „ constituitur, exemplo legatorum debet haec cautio praestari. Sed et si ex alia quacunque causa constitutus fuerit „ Ususfructus, idem dicendum est. Verum, ad ullum legalem usumfructum eandem necessitatem pertractam fuisse, sicut Pandectarum leges in totum silent, ita cetera Jura Justinianea apertius negant; Ita in *L. 4. C. de Usufructu* dicitur: „ Usufructu constituto consequens est, ut satisfactio „ boni viri arbitrato praebetur ab eo, ad quem id commo- „ dum pervenit, quod nullam laesionem ex usu proprietati „ afferat. Nec interest, siue ex testamento siue ex voluntario „ contractu (exemplum vid. in *L. 8. §. fin. D. de Per. et Comm. „ Ret. vend.*) ususfructus constitutus est. Lege deberi Usum- „ fructum patris in bonis adventitiis liberorum, certissimum est per *L. 6. C. de bonis quae liber.* Sed, dum Lege is debetur, cessat necessario cautio, *L. 8. §. 4. in fin. C. Eod.* CARPZOV. *P. 2. c. 10. D. 9.* add. LUDOVICI Doctr. Pand. Tit. *Usufr. qu. cau. §. ult.* Quae de Legalis ususfructus indole et effectu, in-  
 tuitu immunitatis a Cautione usufructuaria, secundum placita Juris Rom. Justin. dicta sunt, multo magis obtinere debent de *Usufructus Germanici et semper Legalis* indole atque effectu: Cujus rei illustre habemus exemplum in Usufructu illo, qui marito competit in bonis uxoris paraphernalibus; hunc enim usumfructum (tanquam legalem extra conventionem expressam.) Romanis ignoratum, *L. 9. §. 3. D. de Jure Dot. L. 8. et 11. C. de pactis convent.* a Germanis vero introductum fuisse, non dissententur Ddres. vid. CARPZ. *P. 3. c. 20. def.*

Non Ger-  
manico.

def. 33. n. 6 et c. 33. d. 6. n. c. et D. 15. n. 3. STRYK. *Vf. mod. Tit. de Vfufr. §. 15.* THOMAS. in *Not. ad Pand. Eod. tit. p. 112.* G. BEYER. *pos. ad Pand. Tit. de Jur. Dot. Faten-*  
*tur* autem et communiter Odres, intuitu usufructus huius  
 in paraphernalibus, maritum immunem esse a praestanda  
 cautione usufructuaria, conf. LVDOV. c. l. §. ult. quam im-  
 munitatem rectius ex natura huius usufructus Germanici de-  
 ducendam esse credimus, quam ex aliis rationibus, quae in  
 hanc rem afferri solent, v. g. quod jam tacita hypotheca in  
 bonis mariti competat propter bona paraphernalia uxori, vel  
 huius nomine satis securae, nec adeo ulteriori cautione  
 usufructuaria indigenti etc. conf. §. 12. *Diss. de bon. Para-*  
*pherna. §. 26.* Nam tacitas hypothecas Jura quoque introdu-  
 xerunt in nudis administrationibus, utur administrator plane  
 nullum usufructum habet, quod ex exemplis admini-  
 strationum, rerum fisci, pupillarium etc. immo huius ipsius ad-  
 ministrationis paraphernorum secundum Jus Rom. Justinian.  
 maritis absque usufructu competentis, vid. omnino *det. L.*  
*11. C. de Pact. Conv. add. L. 95 pr. D. ad L. Falcid.* mani-  
 festissime apparet. His ita explicatis, rationes intrepide ita  
 subducere possumus, quod, cum omnis usufructus *Legalis*,  
 sive Romanus sit, sive Germanicus a praestatione Cautionis  
 usufructuariae sit immunis, ab eadem etiam immunis esse de-  
 beat omni jure Vidua Vasalli intuitu usufructus *Legalis*, ipse  
 in Dotalitii fundo competentis.

## VII.

Ratio  
 Secunda:  
 Quia in Usu-  
 fructu hoc  
 Germanico  
 scilicet in Dotali-  
 tario, parti-  
 culae sunt  
 Domini  
 utiles.

Accedimus ad alteram Rationem decidendi, desumen-  
 dam ex superius dictis §. III. et IV. ubi, *Unicuique usufructu-  
 ari Germanico, speciatim vero et imprimis Dotalitio, admix-*  
*tam esse particulam domini utilitatis*, et asseruimus et probavi-  
 mus. Nullibi autem in Jure legitur, nec ab ullo Doctorum  
 adducitur, ab utili quodam domino exigi posse Cautionem:



Immo potius contradictionem aliquam involveret, dominum quem dicere alicujus rei, et tamen eundem ad satisfactionem intuitu illius ipsius rei, certo modo ad ipsum spectantis, cogere velle. Ita non cavet *Emphyteuta* domino directo; non cavet *Vasallus* feudi domino; non *Superficiarius* soli domino etc. utut in his omnibus, si etiam jura cautionem aliquam exegissent (quod tamen factum esse, non legimus) facile ratio probabilis, quae rursus rationem differentiae a Dotalitio statim suppeditaret, tunc inveniri posset, cum mutua in istis negotiis occurrat praestatio, v. g. canonis, solarii etc. At, ne hoc quidem casu, cautio deinde ista dici deberet *usufructuaria cautio*, quippe quae propria sua indole, ratione et sine gaudeat, et de qua nos heic solliciti sumus. Ab hac igitur usufructuaria cautione intuitu Dotalitii, Vidua Vasalli tanquam *utilis domina*, eo magis immunis esse, nec ejus nomine inquietari debet a feudi successoribus quibuscunque, quo certius constat, clariusque supra demonstratum, viduam nec tertio atque extraneo cuiquam in aliis negotiis, ubi ceteroquin cautiones desiderantur, satisfacere debere, sed, *arg. L. 15. D. qui satisd. cog.* propter particulam utilis domini, quam ipsi asseruimus in Dotalitio, et propter hujus possessionem, liberari ab isto onere. Praeterea et illud considerandum venit, quod, si Vidua Vasalli, intuitu Dotalitii, non immunis esset a Cautione Usufructuaria, nulla certe appareret differentia inter Dotalitiatam et quamcunque aliam nudam Usufructuariam Uxorem, cui maritus usumfructum in quibusdam bonis suis reliquit, legavitque simpliciter: Quod tamen admodum durum videtur. Lubentissime igitur concedimus, viduam usufructuariam simplicem bonorum defuncti mariti, ad cautionem usufructuariam praestandam omnino teneri, immo et tunc, quando ipsi, in casu necessitatis, alienatio bonorum concessa simul fuisset, conf. *CARPZ. P. 3. c. 13. d. 13. HAREPRECHT. Resp. 19. n. 62. sq.* modo exinde nulla

Nelles De-  
minus utile  
praestat Cau-  
tionem usa-  
ria Quarta.

ducatur consequentia ad Viduam Dotalitiam, quae intuitu Dotalitii non nuda Usufructuaria est, sed *Dominus utilis*.

# VIII.

Ratio  
Tertia: Quia  
Dotalitium  
viduae acqui-  
ritur in  
usufructu, et  
in Compens-  
ationem  
Dotis.

Tertiam denique rationem decidendi merito petendam esse existimamus ex iis, quae §. II. inferuimus de Dotalitio constituendo in *Compensationem Dotis illatae et in utilitatem feudi versae*; itemque: de Natura Dotalitii, quod regulariter *Dotem absorbet*. Amittit igitur Vidua, quae Dotalitium elegit et accipit, regulariter dotem suam, vel ad minimum relinquere debet eandem in feudo; cuius utilitatem, in perpetuum Successorum feudaliu[m] commodum, maxime promotam esse per illationem, quilibet agnoscat. Verum quis non videt, hac ratione viduam acquisivisse hunc peculiarem usufructum, i. e. Dotalitium, modo facis *oneroso*? Nec quicquam efficit si quis objiceret, quod, dum viduae duplicatae, frequentissime quadruplicatae usurae obtingunt, lucrum potius illa sentiat, quam damnum vel onus; nam egregie ad hoc respondet CARPZOV. P. 2. c. 42. d. 3. n. 3. §. 9. „Neque adeo in lucro, inquit, versari putanda est mulier, quae dotalitii redditus magis, quam ipsius dotalis pecuniae restitutionem eligit. Quis enim nescit, in emptione reddituum ad vitam, propter actuum discrimina, incertitudinem eventus, aliasque circumstantias, tolerari reddituum sive pensionum majorum solutionem. Idque maxime in dotalitio, quo semel constituto et a Vidua agnito; dos repeti nequit, ideoque Vidua defuncta, dos feudo incorporata per dotalitium acceptatum prorsus expirat, et penes mariti haeredes feudales perpetuo pleno jure permanet, daß dagegen ihre Wittgiffte und Einbringen verkehrt und abgeht. Consentiant autem de hac thesi Jure-Consulti, quod Cautio Usufructuaria cesset, eo casu, si non quidem ex liberalitate constituentis, v. g. testatoria &c. is ad Usufructuarium pervenit, sed potius ex liberalitate

Non cavio-  
nem prohus  
Emor Redi-  
tum ad  
viduam.

litate mera ejus dependet, qui suam rem, nullo jure cogente, alteri in perpetuum offert & relinquit, sibi que tantummodo ad dies vitae *usumfructum reservat*. Ita donator rei, qui sibi *usumfructum reservavit*, immunis est a Cautione *usumfructuaria*, arg. L. 62. D. de Aedil. Ed. L. 28. de R. J. LAVTERR. *Comp. Pand. Tit. Usufr. qu. cav. p. 132.* LVDOVICI ad Eund. Tit. §. 5. HYBER. *Præl. ad Eund. Tit. §. 3.* et elegans ratio traditur L. cit. 62. de Aedil. Ed. ne eo casu liberalitatis suae donator poenam patiatur. Quod si itaque is, qui ad vitam emit redditus annuos, tituloque oneroso acquisivit *usumfructum*; itemque is, qui liberalitatem exercuit et donavit, reservato sibi ad dies vitae *usumfructu*, immunes sunt a Cautione aliqua *usufructuaria praestanda*; Cur non et vidua eadem immunitate gaudere deberet intuitu Dotalitii, quae dotem, quam omni jure repetere potuisset, Feudi successoribus relinquit, et fructum ad dies vitae *reservatum* eligit; quaeve, dispendio dotis, annum redditum satiare sibi comparavit?

# IX.

Rationibus ita subductis, adeo magnum facessere negotium non poterunt ii, qui de hac re a nobis dissentiunt. Inter hos eminent HARTM. PISTOR. *Obs. 2. M. WESEMB. Conf. 91. n. 15. KÖPPEN. decis. 33. n. 12. ANT. HERING. de fidejuss. cap. 6. n. 229. §9. RICHT. Velit. Acad. CARPZOV. P. 2. const. 42. def. 7. LVDOV. Doctr. Pand. Tit. de Jur. Dot. §. 14. STRYK. Us. Mod. Tit. Usufr. qu. Cav. §. 1. etc.* Eligamus ex his STRYKIVM, qui reliquos complectitur, argumentaque, quibus nostra sententia impugnari posset, ex illis fideliter collegit, et propriis suis auxit; atque sic videamus, qua fieri potest brevitate, an aliquid efficere contra nos valeant. Primum argumentum Dissidentes desumunt a generali necessitate praestandae cautionis in *Usufructu*: „Unde etiam, in-

„quic STRYKIVS, vidua dotalitio gaudens, *ad instar usufructuariae*, ad hanc cautionem praestandam obligatur. Maxime mirum unicuique debet videri, deceptos fuisse tot viros magni nominis, lubrico isto argumento, *ab Usufructu Romano* petito, hujus enim speciem esse putarunt Dotalitium; Sed perperam. Cum igitur in antecedentibus sufficienter, ut credimus, demonstratum; Dotalitium non esse Ususfructum Romanum sed Germanicum, Legalem, et particulas domini utilis complectentem, nec adeo ab usufructu illo valere ad Dotalitium consequentiam, in iis tuto subsistimus, ne pluribus moremur in negotio jam expedito, et taedium creemus crebris repetitionibus.

Arg. Secundum.

Secundum argumentum, contra HENELIVM inprimis, dirigit STRYKIVS. Ille enim, recte ex nostra quidem sententia, judicaverat, tituli *Dig. usufruct. qu. cau.* dispositionem tantum pertinere ad usum fructum ab homine constitutum, non ad illum; quem lex vel consuetudo indulget: Hic vero confidenter insurgit, et „sed quis negabit, inquit, *Dotalitium magis ex pacto, quam consuetudine deberi.* Qui consulere vultque, quae supra de Legali Usufructu uxori in Dotalitio constituto latus exposuimus, primo obtutuprehender, aliquid humani passum fuisse Magnum Stryki-um: Nam ratione vel originis vel causae, plane nihil est tribuendum *Pacto*, omne consuetudini; i. e. Legi non scriptae. Si formam et modum spectamus, pacta et conventiones vel nonnulla determinare, vel consuetudini derogare valent; at haec omnia indolem et naturam ipsius rei non mutant. Ita quantitas, ita obiectum, in quo Dotalitii constitutio fit etc. *ex pacto* dependere poterit; sed necessitas constituendi *Legi* debetur, sive consuetudini. Instat Strykius Tertio argumento, et ait: „Nec proderit Henelio argumentum a Dotalitium, quasi, cum de illa non caveat maritus per Tit. „*Ne fidej. dot. dent.* nec de hoc cavere debeat uxor; Ratio-

Argumen-  
tum Tertium.

„nem

„nem enim diversitatis unusquisque videt; Maritus dominus dotis est; uxor in Dotalitio est usufructuaria. Marito incumbit cura conservandae dotis, cum inde sustinenda sine matrimonii onera, *L. pro oneribus 20. C. de Jur. Dot.* sed uxor Dotaria omne lucrum, quod ex Dotalitio redigere potest, in suos usus convertit, et saepius secundarum nuptiarum cogitationibus abrepta, rapit ex Dotalitio, quod capere potest. Respondemus ad hanc objectionem: 1.) Caeteris paribus recte duci posse argumentum a Dote ad Dotalitium. Paria nempe sunt Dotalitii et ipsius Dotis iura, quamdiu contrarium non expresse reperitur dispositum, cum Dotalitium originetenus sit ipsa Dos Germanica, SCHILTER *cit. Ex. XVlll. G. BEYER. pos. ad Dig. Tit. de Jur. Dot. et Del. Jur. Germ. L. Il. cap. 10. §. 18. 1.*) Maritus dominus dotis est, eodem sensu, quo vidua Vassalli domina est Dotalitii; Id est, fructuarius est, cum particula domini utililis, revocabilis, civilis, etc. 3.) Uxorem esse in Dotalitio usufructuariam (nudam, in sensu Juris Romani consideratam) partim falsissimum est, partim strophica, contra quam toties causam egimus. 4.) Marito incumbere curam conservandae Dotis, certum est. Idem incumbit viduae Dotalitiae, idque eo magis, quo certius constat, Dominium, quod viduae in Dotalitio competit, esse tantum utile, revocabile, et valde restrictum. 5.) Matrimonii onera ex dote sustinet maritus; Non negamus. Ast nihilominus *lucrum* sentit ex Dote illata, in feudi utilitatem versa, et perpetuo ibi manente: Vidua e contrario de damno vitando certat; Dotem amittit; quae percipit, non perpetuam causam habent, sed cum vita pereunt; et neutiquam ad id faciunt, ut melior reddatur conditio, sed ut necessitati subveniatur, et ut vitae sustentatio inde obtineri possit futura ex fructu, cum dispendio proprietatis; Atque haec omnino nobis persuadent, ut credamus, quod, etiamsi Strykius hoc argumento duriorem conditionem mariti

in Dote, et magis tolerabilem Viduae in Dotalitio repraesentare voluerit, nihilominus contrarium facillime appareat vel exinde, quoniam Leges ipsae maritum ad varias praestationes securitatis intuitu Dotis adstrinxerunt, et tam per hypothecam tacitam quam per jus praedationis, aliaeque praedicta uxoris prospexerunt: De quibus cunctis, ut a Vidua quoque intuitu Dotalitii eadem exigi possint, ne cogitatum quidem fuit in Jure nostro. Cacterum manifestum est, omnes istas securitates, quas maritus praestat intuitu Dotis, quaecunque etiam sint, neququam tamen pertinere ad indolem et naturam alicujus *V usufructuariae Cautionis*, de qua nobis est sermo.

X.

Arg. Quotum,

Quartum Stryckii argumentum, dissidentiam aliquam causae suae arguit. „Non tamen diffiteor, ait, cautionem hanc *ex liberalitate* ab haeredibus saepius remitti, dum res agitur vel cum liberis, vel proximis agnatis, qui nimium rigidi in jure suo persequendo contra viduam esse non solent; inde tamen aliis praepjudicium non nascitur, quin cautionem hanc, si proprietati damnum imminere videant, ad ductum juris communis exigant. Liberalitatem fingit Stryckius, ubi nulla praesumenda, et ubi etiam nulla opus est. Quod enim liberos attinet, incongruum esset, si illud referre velimus inter liberalitates liberorum erga parentes, quod inter officia illorum jamjam numerari debet, i. e. nullum exercere rigorem, nullam prode diffidentiam erga matrem, cui alimenta et necessaria vitae subsidia, prout dignitas et honestas exigit, debentur, CARPZOV. P. 2. c. 10. d. 29. SVRD. de Alim. T. 1. q. 17. quareve fontem, scil. Dotem in eorum favorem negligit, et fructu ad dies vitae contenta est. Quodsi pater immunis est a cautione usufructuaria ratione bonorum adventitiorum, *paterna enim ex-*

causant

*casante reverentia*, uti eleganter dicit IMPERATOR in *L. 8. §. 4. in fin. C. de Bon. quae lib. junct. L. 6. §. 2. C. eod.* eadem sane, immo fortior ratio militat pro immunitate matris intuitu Dotalitii cum onere acquisiti. Ad proximos vero agnatos quod attinet, gratis dicitur, eos liberales praesumendos esse erga viduam defuncti Vasalli, in remittenda cautione usufructuaria. Quibus notum perspectumque est, qualem rigorem frequentissime erga viduas exercere, et quam mirifice easdem vexare solent agnati, per desideratas sufficientes probationes illatae Dotis, ejusdemque versionis; ii prorsus convicti erunt, nullam heic expectandam esse liberalitatem in remittenda cautione, si jura ullam facultatem, exigendi eam, agnatis tribuissent, nec viduam jam ab ea immunitate praestitissent. Taceamus, quod, si ipsa jura viduam a cautione non liberaissent, sed immunitas dependeret a sola liberalitate & remissione liberorum agnatorumque, adhuc admodum dubitari posset, an talis remissio sit valida? cum, deficiente approbatione domini directi, non censeatur facta ab omnibus, quorum interest, arg. *L. 8. D. Usufr. qu. cav.* Quapropter frustraneam credimus esse disputationem super quaestione: An liberum sit marito, satisfactionis doariae rigorem, in contrahendo praesertim matrimonio, viduae futurae usufructuariae relaxare? perinde nimirum, ac testanti cuius Falcidiam licet remittere, quamvis favore haeredis inductam; uti videtur HENELIO *c. Tr. c. 9. §. 4. in fin.* Certe, hujus farinae ratiocinia rem magis confundunt, quam declarant, magis enervant, quam confirmant. Neque heic singulare praesidium quaerendum est in vulgo sic dictis praepjudiciis. Subnebit equidem CARRZOVIVS *P. 2. c. 42. def. 7.* sententiam in causa Sabiniae de Neumeck, vi cujus Praestatio Cautionis in iuncta fuit viduae vasalli: Verum huic sententiae statim opponere possumus aliam, quae nostrae opinioni favet, pronunciatam in Curia Iud. Vittebergeni. 1577. ad quam provo-

cat

cat RAVCHBAR. *Quaest. 30. P. 1.* Inde HENFLIUS c. l. ita scribit : „ Verior nobis videtur opinio ANDR. RAVCHBARI, mulierem a cautionis molestia immunem ac liberam pronuncians per ea, quae in quaestiones suas ex socii D. Mich. Teuberi, Clariss. JCci, adversariis vel analoctis depromptas idem retulit : qui et attestatur, non se meminisse, quamvis subinde Dotalitia constituerentur, a mulieribus cautiones huiusmodi VINOYAM, in Saxonici praesertim regionibus, ex illis atque praestitas : quin potius A. S. 1577. viduam Dotalitium habentem ad Cautionis usufructuariae praestationem non obligari, a curialis iudicii Wittebergensis Assessores, de Jure pronunciatum fuisse. Henelio adstipulatur MYLERS AB EHRENBACH, qui *Gamel. cap. 13. §. 12.* „ Ego sane cautionem hanc, inquit, inter Illustres personas Imperii usu servari, vix est, ut credam, cum eandem in nulli tabulâ, quae ad manus mihi venerunt, unquam legerim.

## XI.

Arg. Quintum.

Quintum argumentum Strykii, desumptum est a necessaria illa providentia, per quam salva semper conservari debet substantia : Cautionem itaque exigi posse credit, „ si proprietati damnum imminere videant successores feudi ; si videant, uxorem dotariam omne lucrum, quod ex Dotalitio redigere potest, in suos usus convertere, et, secundarum, forsitan nuptiarum cogitationibus abreptam, rapere ex dotalitio, quod capere potest, etc. Adhaec ita respondemus : 1.) Omne lucrum honestum, aequum atque legitimum, quod ex Dotalitio redigi potest, omni jure pertinet ad viduam : Nihil itaque hic metuendum est. 2.) Non sequitur : potest damnum proprietati imminere interdum ; ergo semper et regulariter vidua ad Cautionem praestandam adigenda est : Quid si ( quod praesumendum est ) Vidua utatur fruatur boni viri arbitratu, nec ullum damnum immineat ? Quid si secundarum nuptia-



nuptiarum cogitationibus non abripiatur? Quid si ceteroquin frugalis et in curanda re familiari perita, etiam ad secunda vota transeat? An tunc nihilominus statim oriri et praevalere praesumptio debet, pro viduae mala administratione Dotalitii, adeo, ut cautio exigenda sit simpliciter, licet nullae aliae circumstantiae talem praesumptionem inducant? Nobis haec nemo persuadebit. Scilicet, quae Strykius proposuit, pertinent ad Exceptiones a regula; Et tunc lubentes concedimus, quod in casu, ubi dissipationis imminet periculum, ubi dotalitio abutitur mulier etc. ad usufructuariae cautionis praestationem recte compelli, immo et Dotalitio ipso privari possit, vid. omnino RAVENBAR. c. l. n. 23. et 24. NB. non aliter ac Pater legalis usufructuarius in bonis adventitiis liberorum, ad eandem cautionem praestandam obligatur, si dissipationis periculum adest, et is immobilia non possidet, CARPZ. P. 2. c. 10. d. 9. n. 8. §9. LAVIERB. Comp. Tit. usufr. qu. cav. pag. 132. At vero haec ipsa exceptio magis firmat regulam: *Vidua intuitu Dotalitii, ordinarie et in casibus non exceptis, cautionem usufructuariam non praestat.*

## XII.

Id tandem largitur Strykius, „si Dotalitium in certis Limitatio  
 „pensionibus annuis consistat, quae ejusmodi praediorum admi- Carpaovii et  
 „nistratone percipiuntur, quibus non facile damnum inferre Strykii po-  
 „potest vidua, cautionem illam male exigi: Quam limitatio- ram apta est.  
 „nem suae opinionis jamjam suppeditavit CARPZOV. P. 2. c. 42.  
 „d. 7. n. 2. Sed, si verum fateri licet, parum apta est, immo ad-  
 „modum jejuna haec limitatio, quae certo modo excludit id, quod  
 „per se impossibile est. Nam cautio usufructuaria, uti supra §.  
 „V. indicavimus, duobus capitibus absolvitur; usum se boni  
 „viri arbitratu: finito usufructu restitutum, quod inde exta-  
 „bit. Neutrum ex his quadrare unquam poterit ad viduam,  
 „D quae,

quae, nomine Dotalitii, non fundum feudalem ipsum in usumfructum, sed certas pensiones annuas tantummodo accipit ex bonis feudalibus. Non utitur fructu re aliena, agnatorum aut filiorum administrationi prorsus relicta: quomodo cavebit de substantia salva conservanda? Nihil accipit: quomodo cavebit de restituendo?

## T A N T V M.

### NOBILISSIMO DOCTISSIMOQUE DOMINO RESPONDENTI

S. P. D.

### PRAESES.

**S**I discendi cupiditas sola vivendi ratio optima est, sicuti iCius Pomponius in L. 20. D. de Fideicom: Libert. egregie monet, T<sup>u</sup> cerit, DOCTISSIME SCHREIBERE, regiam jam ingressus viam, optimamque vivendi rationem amplexus es. Inchoasti liberalium artium et Iurisprudentiae studia in hac Musarum Sede; ad quam non solum voluntas EORVM, Quos pia Veneratione merito prosequeris, Te ablegavit, sed etiam propria illa et laudabilis discendi cupido mira viritate traxit. Quantum profeceris in hoc feliciter coepto cursu, hoc diligentiae T<sup>uae</sup> Specimine, quod ex animo TIBI gratulor, luculenter equidem comprobas: Sed non subsists: In cursu es: Urget ardor animi discendi cupidi: Teque ad exterarum quoque bonarum artium officinas invensandas invitat. Maile hac T<sup>ua</sup> laude, PRAESTANTISSIME SCHREIBERE: Felix ibis auspicio novum nunc ingredi stadium virtuti T<sup>uae</sup> apertum: Persequere vestigia MAGNIFICI DOMINI PARENTIS, qui Rem-Publicam atque Literariam et consiliiis adjuvat, et meritis ornat. Ex quo efficietur, ut, confecto cursu, et ingenii Dotibus, per discendi cupiditatem et indefessam industriam auctis, uberrimum Usumfructum, de quo in antecessam TIBI caveo, laetus aliquando percipere possis. Vale: Dabit. Mus. d. V. April. A. O. R. MDCCXXXV.